

গণপ্রজাতন্ত্রী বাংলাদেশ সরকার
জননিরাপত্তা বিভাগ
স্বরাষ্ট্র মন্ত্রণালয়
রাজনৈতিক-৬ শাখা

পরিপত্র

স্মারক নম্বর-৪৪.০০.০০০০.০৭৯.০১.০০১.২০২৩-৫৭৪

তারিখঃ ০৬ পৌষ ১৪৩০
২১ ডিসেম্বর ২০২৩

বিষয়: দ্বাদশ জাতীয় সংসদ নির্বাচন উপলক্ষে আইনশৃঙ্খলা রক্ষাকারী বাহিনী মোতায়েন।

আগামী ০৭ জানুয়ারি ২০২৪ তারিখে দ্বাদশ জাতীয় সংসদ নির্বাচন অবাধ, সুষ্ঠু, শান্তিপূর্ণ ও নিরপেক্ষভাবে অনুষ্ঠানের লক্ষ্যে শান্তি-শৃঙ্খলা রক্ষায় বাংলাদেশ পুলিশ, বিজিবি, আনসার ও ভিডিপি, কোস্ট গার্ড নিয়োগ করা এবং স্থানীয় বেসামরিক প্রশাসনকে সহায়তার নিমিত্ত In Aid to the Civil Power এর আওতায় সশস্ত্র বাহিনীর সদস্যদের মোতায়েন করার সিদ্ধান্ত গৃহীত হয়েছে। সকল আইন প্রয়োগকারী সংস্থার সদস্যগণ সততা ও নিষ্ঠার সাথে অর্পিত দায়িত্ব পালন করলেই সংশ্লিষ্ট সকলের নিরপেক্ষতা জনগণের নিকট দৃশ্যমান হবে।

২। আসন্ন জাতীয় সংসদের ৩০০ টি নির্বাচনি এলাকার প্রতিটি ভোটকেন্দ্রে পুলিশ, অশীভূত আনসার/সাধারণ আনসার ও ভিডিপি এবং গ্রাম পুলিশ নিম্নরূপে মোতায়েন হবে:

(ক) মেট্রোপলিটন এলাকার বাইরে:

সাধারণ	গুরুত্বপূর্ণ
(১) পুলিশ-২ জন (অস্ত্রসহ)	(১) পুলিশ-৩ জন (অস্ত্রসহ)
(২) অশীভূত আনসার/সাধারণ আনসার-১ জন পিসি (অস্ত্রসহ)	(২) অশীভূত আনসার/সাধারণ আনসার-১ জন পিসি (অস্ত্রসহ)
(৩) অশীভূত আনসার/সাধারণ আনসার ও ভিডিপি-১ জন এপিসি (অস্ত্র/লাঠিসহ)	(৩) অশীভূত আনসার/সাধারণ আনসার ও ভিডিপি-১ জন এপিসি (অস্ত্র/লাঠিসহ)
(৪) অশীভূত আনসার/সাধারণ আনসার ও ভিডিপি (মহিলা-৪, পুরুষ-৬) ১০ জন (লাঠিসহ)	(৪) অশীভূত আনসার/সাধারণ আনসার ও ভিডিপি (মহিলা-৪, পুরুষ-৬) ১০ জন (লাঠিসহ)
(৫) গ্রাম পুলিশ-১/২ জন দফাদার/মহল্লাদার (লাঠিসহ) (ক্ষেত্র বিশেষ ০২জন)	(৫) গ্রাম পুলিশ-১/২ জন দফাদার/মহল্লাদার (লাঠিসহ) (ক্ষেত্র বিশেষ ০২জন)

(খ) মেট্রোপলিটন এলাকায়:

সাধারণ	গুরুত্বপূর্ণ
(১) পুলিশ-৩ জন (অস্ত্রসহ)	(১) পুলিশ-৪ জন (অস্ত্রসহ)
(২) অশীভূত আনসার/সাধারণ আনসার -১ জন পিসি (অস্ত্রসহ)	(২) অশীভূত আনসার/সাধারণ আনসার-১ জন পিসি (অস্ত্রসহ)
(৩) অশীভূত আনসার/ সাধারণ আনসার-১ জন এপিসি (অস্ত্র/লাঠিসহ)	(৩) অশীভূত আনসার/সাধারণ আনসার-১ জন এপিসি (অস্ত্র/লাঠিসহ)
(৪) অশীভূত আনসার/সাধারণ আনসার ও ভিডিপি (মহিলা-৪, পুরুষ-৬) ১০ জন (লাঠিসহ)	(৪) অশীভূত আনসার/সাধারণ আনসার ও ভিডিপি (মহিলা-৪, পুরুষ-৬) ১০ জন (লাঠিসহ)

(গ) বিশেষ এলাকা (পার্বত্য এলাকা ও দুর্গম এলাকা-সংলগ্নী-ক):

সাধারণ	গুরুত্বপূর্ণ
(১) পুলিশ-২ জন (অস্ত্রসহ)	(১) পুলিশ-৩ জন (অস্ত্রসহ)
(২) অশীভূত আনসার/সাধারণ আনসার-১ জন পিসি (অস্ত্রসহ)	(২) অশীভূত আনসার/ সাধারণ আনসার ও ভিডিপি-১ জন পিসি (অস্ত্রসহ)
(৩) অশীভূত আনসার/সাধারণ আনসার ও ভিডিপি-১ জন এপিসি (অস্ত্র/লাঠিসহ)	(৩) অশীভূত আনসার/সাধারণ আনসার ও ভিডিপি-১ জন এপিসি (অস্ত্র/লাঠিসহ)
(৪) অশীভূত আনসার/সাধারণ আনসার ও ভিডিপি (মহিলা-৪, পুরুষ-৬) ১০ জন (লাঠিসহ)	(৪) অশীভূত আনসার/ সাধারণ আনসার ও ভিডিপি (মহিলা-৪, পুরুষ-৬) ১০ জন (লাঠিসহ)
(৫) গ্রাম পুলিশ ১/২ জন দফাদার/মহল্লাদার (লাঠিসহ) (ক্ষেত্র বিশেষ ০২জন)	(৫) গ্রাম পুলিশ ১/২ জন দফাদার/মহল্লাদার (লাঠিসহ) (ক্ষেত্র বিশেষ ০২জন)

(ঘ) প্রতিটি ইউনিয়নের ভোটকেন্দ্রসমূহে দায়িত্ব পালনে নিয়োজিত সংশ্লিষ্ট সকলকে সহায়তা প্রদানের লক্ষ্যে রিটার্নিং অফিসার/সহকারী রিটার্নিং অফিসার কর্তৃক ভোটগ্রহণের ০২ দিন পূর্ব হতে ভোটগ্রহণের দিন পর্যন্ত মোট ০৩ দিনের জন্য সংশ্লিষ্ট ইউনিয়ন পরিষদ সচিবকে নিয়োজিত করবে।

(ঙ) ভোটকেন্দ্রে নিয়োজিত আইনশৃঙ্খলা বাহিনী ভোটগ্রহণের পূর্বের ০২ (দুই) দিন, ভোটগ্রহণের দিন, ভোটগ্রহণের পরের ০১ (এক) দিন এবং যাতায়াত ও অন্যান্য প্রস্তুতিমূলক কাজের জন্য ০১ (এক) দিনসহ মোট ০৫ (পাঁচ) দিনের জন্য নিয়োজিত থাকবে;

(চ) গ্রাম পুলিশ-দফাদার/মহল্লাদার প্রত্যেক ভোটকেন্দ্রে একজন ক্ষেত্র বিশেষে দু'জন করে ০৫ (পাঁচ) দিনের জন্য নিয়োজিত থাকবে। তবে অশীভূত/সাধারণ আনসার ও ভিডিপি প্রশিক্ষণের জন্য ০১ (এক) দিনসহ মোট ০৬ (ছয়) দিনের জন্য নিয়োজিত থাকবে;

(ছ) পুলিশ কমিশনার/পুলিশ সুপার স্থানীয়ভাবে গুরুত্ব বিবেচনায় রিটার্নিং অফিসারের সাথে পরামর্শক্রমে প্রয়োজন অনুসারে ভোটকেন্দ্রে পুলিশ এবং আনসার ও ভিডিপির সদস্য সংখ্যা কম-বেশী করতে পারবে;

(জ) যতদূর সম্ভব মহিলা ভোটকেন্দ্রে দক্ষ ও অভিজ্ঞতাসম্পন্ন মহিলা অশীভূত আনসার ও পুরুষ ভোটকেন্দ্রে পুরুষ অশীভূত আনসার নিয়োগ করতে হবে; এবং

(ঝ) রিটার্নিং অফিসার, পুলিশ সুপার ক্ষেত্রমত মেট্রোপলিটন পুলিশ কমিশনারের সাথে পরামর্শ করে ভোটকেন্দ্রে ও নির্বাচনি এলাকায় নিয়োজিত আইনশৃঙ্খলা বাহিনীর সদস্য সংখ্যা কম-বেশী করতে পারবে।

৩। মোবাইল টিম ও স্ট্রাইকিং ফোর্স: নির্বাচনি এলাকায় শান্তি-শৃঙ্খলা রক্ষার্থে সশস্ত্র বাহিনী, বিজিবি, কোস্ট গার্ড, র‍্যাব, পুলিশ, আর্মড পুলিশ ও আনসার ব্যাটালিয়ন নিয়োগ করা হবে। আনসার ব্যাটালিয়ন সহযোগী ফোর্স হিসেবে পুলিশের সাথে মোবাইল টিমে দায়িত্ব পালন করবে।

(ক) বর্গিত বাহিনীসমূহ আগামী ২৯ ডিসেম্বর ২০২৩ হতে ১০ জানুয়ারি ২০২৪ তারিখ পর্যন্ত মোট ১৩ দিন (যাতায়াত সময়সহ) নিয়োজিত থাকবে;

(খ) সশস্ত্র বাহিনী ২৯ ডিসেম্বর ২০২৩ হতে ১০ জানুয়ারি ২০২৪ তারিখ পর্যন্ত দায়িত্ব পালন করবে (যাতায়াত সময়সহ);

(গ) বিজিবি/আর্মড পুলিশ/আনসার ব্যাটালিয়ন জেলা/উপজেলা/থানাসমূহে এবং কোস্ট গার্ড উপকূলীয় এলাকাসমূহে (সংলগ্নী-খ) দায়িত্ব পালন করবে;

(ঘ) আনসার ব্যাটালিয়ন সেকশন ফরমেশন অনুযায়ী সহযোগী ফোর্স হিসেবে পুলিশের সাথে দায়িত্ব পালন করবে;

(ঙ) নির্বাচনি এলাকায় শান্তি-শৃঙ্খলা রক্ষার্থে মোতামেনকৃত আইনশৃঙ্খলাসহ সকল বাহিনী রিটার্নিং অফিসারের নিকট রিপোর্ট করবে এবং রিটার্নিং অফিসারের সিদ্ধান্ত ও পরামর্শক্রমে আইনশৃঙ্খলা রক্ষায় নিয়োজিত থাকবে; এবং

(চ) রিটার্নিং অফিসারের চাহিদা অনুযায়ী আইনশৃঙ্খলা বাহিনীর মোবাইল/স্ট্রাইকিং টিম বিভাজন করা যাবে।

৪। **আইনশৃঙ্খলা রক্ষাকারী সেল ও নিরাপত্তা কর্মপরিকল্পনা গ্রহণ:** নিজ নিজ দায়িত্বপ্রাপ্ত এলাকার সামগ্রিক নিরাপত্তা এবং ভোটকেন্দ্রের নিরাপত্তা বিধানে সকল আইনশৃঙ্খলা রক্ষাকারী বাহিনীর নিয়োগ ইত্যাদি দায়িত্বে থাকবেন রিটার্নিং অফিসার। রিটার্নিং অফিসার দ্বাদশ জাতীয় সংসদ নির্বাচন ব্যবস্থাপনা ম্যানুয়েলের নির্দেশনা অনুসারে তার অধিক্ষেত্রে আইনশৃঙ্খলা রক্ষাকারী সেল গঠন করবেন। তিনি বিভাগীয়/জেলা আইনশৃঙ্খলা সংক্রান্ত কোর কমিটির সাথে পরামর্শ করবেন এবং আইনশৃঙ্খলা রক্ষাকল্পে বিস্তারিত কর্মপরিকল্পনা প্রণয়নপূর্বক নির্বাচন কমিশনসহ সংশ্লিষ্ট সকলকে অবহিত করবেন। তবে নির্বাচনী এলাকায় মোবাইল ও স্ট্রাইকিং ফোর্স নিয়োগে সংশ্লিষ্ট পুলিশ সুপার এবং মেট্রোপলিটন এলাকায় পুলিশ কমিশনার রিটার্নিং অফিসারের সাথে পরামর্শক্রমে এ সংক্রান্ত কর্মপরিকল্পনা গ্রহণ করবেন। তাছাড়াও স্থানীয় বেসামরিক প্রশাসনকে সহায়তার নিমিত্ত In Aid to the Civil Power এর আওতায় নিয়োগকৃত/মোতায়েনকৃত সশস্ত্র বাহিনী রিটার্নিং অফিসার/সহকারী রিটার্নিং অফিসারের সাথে আলোচনার মাধ্যমে কর্মপন্থা নির্ধারণ করবে।

৫। **নির্বাচনে বিজ্ঞ এক্সিকিউটিভ ম্যাজিস্ট্রেটগণের দায়িত্বপালন:** আসন্ন দ্বাদশ জাতীয় সংসদ নির্বাচন অবাধ, সুষ্ঠু ও শান্তিপূর্ণভাবে অনুষ্ঠানের লক্ষ্যে রিটার্নিং অফিসারের চাহিদা অনুযায়ী বিজ্ঞ এক্সিকিউটিভ ম্যাজিস্ট্রেটগণের নেতৃত্বে মোবাইল/স্ট্রাইকিং ফোর্স দায়িত্ব ও কর্তব্য পালন করবে। নির্বাচনকালীন দায়িত্ব পালনের জন্য নিয়োজিত বিজ্ঞ এক্সিকিউটিভ ম্যাজিস্ট্রেটগণের সাথে প্রয়োজনীয় সংখ্যক আইনশৃঙ্খলা বাহিনীর সদস্য মোতায়েন করতে হবে।

৬। **বিজ্ঞ জুডিসিয়াল ম্যাজিস্ট্রেট ও ইলেক্টোরাল ইনকোয়ারি কমিটির জন্য পুলিশ ফোর্স নিয়োজিতকরণ:** নির্বাচন পূর্ব অনিয়মরোধ ও আচরণ বিধি প্রতিপালনের লক্ষ্যে আইনানুযায়ী ইলেক্টোরাল ইনকোয়ারি কমিটির দায়িত্ব পালনকালে এবং ভোটগ্রহণের পূর্বের ২ দিন, ভোটগ্রহণের দিন ও ভোটগ্রহণের পরের ২ দিন পর্যন্ত সংক্ষিপ্ত বিচার আদালতে দায়িত্ব পালনের জন্য নিয়োগকৃত বিজ্ঞ জুডিসিয়াল ম্যাজিস্ট্রেটদের জন্য অনুরূপ পুলিশ ফোর্স নিয়োজিত করতে হবে।

৭। **আইনশৃঙ্খলা সমন্বয় সেল :**

(ক) জননিরাপত্তা বিভাগ, স্বরাষ্ট্র মন্ত্রণালয় এবং সংশ্লিষ্ট রিটার্নিং অফিসারের কার্যালয়ে ১৮ ডিসেম্বর ২০২৩ সকাল ১০.০০ টা হতে ১০ জানুয়ারি ২০২৪ তারিখ রাত ১২.০০ টা পর্যন্ত আইনশৃঙ্খলা সমন্বয় সেল স্থাপন করতে হবে। এ সেলে আইনশৃঙ্খলা রক্ষাকারী বাহিনীর একজন করে প্রতিনিধি থাকবেন।

(খ) দ্বাদশ জাতীয় সংসদ নির্বাচন উপলক্ষে সার্বক্ষণিক সেবা প্রদানের জন্য ৯৯৯ এ বিশেষ টিম গঠনপূর্বক আইনশৃঙ্খলা সমন্বয় সেলের সাথে সংযুক্ত করতে হবে। উক্ত টিম নির্বাচন সংক্রান্ত প্রাপ্ত অভিযোগ/তথ্যের বিষয়ে দ্রুত ব্যবস্থা গ্রহণের জন্য সরাসরি এলাকাভিত্তিক আইনশৃঙ্খলা সমন্বয় সেলে প্রেরণ করবে।

৮। **আইনশৃঙ্খলা বাহিনীর জন্য অর্থ বরাদ্দ:** জাতীয় সংসদ নির্বাচন উপলক্ষে বিভিন্ন আইনশৃঙ্খলা বাহিনীর চাহিদার ভিত্তিতে জননিরাপত্তা বিভাগ, স্বরাষ্ট্র মন্ত্রণালয় কর্তৃক প্রেরিত অর্থ বরাদ্দের প্রস্তাবের আলোকে নির্বাচনের পূর্বেই অগ্রিম অর্থ বরাদ্দ প্রদান করা হবে।

৯। **সংশ্লিষ্ট বাহিনীর জন্য নির্দিষ্ট কার্যাদি:**

(১) **সশস্ত্র বাহিনী:** নির্বাচন উপলক্ষে শান্তিশৃঙ্খলা রক্ষায় স্থানীয় বেসামরিক প্রশাসনকে সহায়তার নিমিত্ত ২৯ ডিসেম্বর ২০২৩ তারিখ হতে ১০ জানুয়ারি ২০২৪ তারিখ পর্যন্ত (যাতায়াত সময়সহ) In Aid to the Civil Power এর আওতায় মোতায়েনকৃত সশস্ত্র বাহিনী নিম্নরূপভাবে দায়িত্ব পালন করবে:

(ক) ফৌজদারী কার্যবিধি ও অন্যান্য আইনের বিধান অনুসারে এবং প্রতিরক্ষা মন্ত্রণালয় হতে জারিকৃত Instruction Regarding Aid to the Civil Power এর ৭ম ও ১০ম অনুচ্ছেদের বিধান অনুযায়ী সশস্ত্র বাহিনীর কার্যক্রম সম্পন্ন হবে;

(খ) রিটার্নিং অফিসারের সাথে পরামর্শক্রমে প্রয়োজন অনুসারে উপজেলা/থানায় সশস্ত্র বাহিনী মোতায়েন হবে এবং

আইনশৃঙ্খলা রক্ষার জন্য সশস্ত্র বাহিনী অন্যান্য আইন প্রয়োগকারী সংস্থাকে সহায়তা প্রদান করবে;

(গ) সশস্ত্র বাহিনীর সদস্যগণ প্রতিটি জেলা/উপজেলা/ মেট্রোপলিটন এলাকার নোডাল পয়েন্ট (Nodal Point) ও অন্যান্য সুবিধাজনক স্থানে অবস্থান করবে এবং প্রয়োজন অনুযায়ী রিটার্নিং অফিসারের সাথে সমন্বয়ের মাধ্যমে টহল ও অন্যান্য আভিযানিক কার্যক্রম পরিচালনা করবে;

(ঘ) রিটার্নিং অফিসার বা প্রিজাইডিং অফিসারের চাহিদার প্রেক্ষিতে ভোটকেন্দ্রের অভ্যন্তরে কিংবা ভোটগণনা কক্ষের শান্তিশৃঙ্খলা রক্ষার্থে দায়িত্ব পালন করবে;

(ঙ) সশস্ত্র বাহিনীর টিমের সাথে এক্সিকিউটিভ ম্যাজিস্ট্রেট নিয়োজিত করা হবে এবং আইন, বিধি ও পদ্ধতিগতভাবে কার্যক্রম গৃহীত হবে;

(চ) উপকূলবর্তী এলাকায় নৌ-বাহিনী প্রয়োজন অনুযায়ী দায়িত্ব পালন করবে;

(ছ) ঝুঁকির বিবেচনায় রিটার্নিং অফিসারের সাথে আলোচনাক্রমে প্রতিটি জেলায় নিয়োজিত সশস্ত্র বাহিনীর সদস্যের সংখ্যা কম/বেশি করা যাবে;

(জ) পরিস্থিতি বিবেচনায় প্রয়োজন অনুযায়ী নির্দেশক্রমে গুরুত্বপূর্ণ সড়ক/মহাসড়কসমূহের নিরাপত্তা নিশ্চিত করবে;

(ঝ) বিমান বাহিনী প্রয়োজনীয় সংখ্যক হেলিকপ্টার ও পরিবহন বিমান জননিরাপত্তা বিভাগ, স্বরাষ্ট্র মন্ত্রণালয়, নির্বাচন কমিশন সচিবালয় ও বাহিনীসমূহের অনুরোধে উদ্ভয়ন সহায়তা প্রদান করবে;

(ঞ) সংশ্লিষ্ট রিটার্নিং অফিসারের নির্দেশনা অনুসারে এলাকাভিত্তিক Deployment Plan চূড়ান্ত করা হবে; এবং

(ট) বাস্তবতা ও প্রয়োজনীয়তা অনুযায়ী রিটার্নিং অফিসার ও সহকারী রিটার্নিং অফিসার এর অনুরোধক্রমে চাহিদামত আইনানুগ অন্যান্য কার্যক্রম সম্পাদন করতে হবে।

(২) বিজিবি/কোস্ট গার্ড/আর্মড পুলিশ/আনসার ব্যাটালিয়ন:

বিজিবি/কোস্ট গার্ড/আর্মড পুলিশ/আনসার ব্যাটালিয়ন মোতায়েনের পর নিম্নরূপভাবে দায়িত্ব পালন করবে:

(ক) বিজিবি/কোস্ট গার্ড/আর্মড পুলিশ/আনসার ব্যাটালিয়ন মোবাইল ও স্ট্রাইকিং ফোর্স হিসেবে কাজ করবে;

(খ) জেলা/উপজেলা/থানাসমূহে বিজিবি এবং উপকূলীয় এলাকাসমূহে কোস্ট গার্ড দায়িত্ব পালন করবে;

(গ) রিটার্নিং অফিসারের চাহিদা অনুযায়ী আইনশৃঙ্খলা রক্ষার জন্য অন্যান্য আইন প্রয়োগকারী সংস্থাকে সহায়তা করবে;

(ঘ) বিজিবি আইনশৃঙ্খলা নিয়ন্ত্রণে প্রয়োজনে হেলিকপ্টার ও ডগ স্কোয়াড ব্যবহার করতে পারবে; এবং

(ঙ) রিটার্নিং অফিসার ও প্রিজাইডিং অফিসারের চাহিদার প্রেক্ষিতে ভোটকেন্দ্রের অভ্যন্তরে কিংবা ভোটগণনা কক্ষের শান্তিশৃঙ্খলা রক্ষার্থে দায়িত্ব পালন করবে।

(৩) র‍্যাপিড এ্যাকশন ব্যাটালিয়ন (র‍্যাব):

র‍্যাব নিম্নরূপভাবে দায়িত্ব পালন করবে:

(ক) র‍্যাব মোবাইল ও স্ট্রাইকিং ফোর্স হিসেবে কাজ করবে;

(খ) নির্বাচনি এলাকায় সামগ্রিক আইনশৃঙ্খলা রক্ষায় কাজ করবে;

(গ) রিটার্নিং অফিসারের চাহিদার প্রেক্ষিতে আইনশৃঙ্খলা রক্ষার জন্য অন্যান্য আইন প্রয়োগকারী সংস্থাকে সহায়তা করবে;

(ঘ) আইনশৃঙ্খলা নিয়ন্ত্রণের প্রয়োজনে হেলিকপ্টার ও ডগ স্কোয়াড ব্যবহার করতে পারবে; এবং

(ঙ) রিটার্নিং অফিসার ও প্রিজাইডিং অফিসারের চাহিদার প্রেক্ষিতে ভোটকেন্দ্রের অভ্যন্তরে কিংবা ভোটগণনা কক্ষের শান্তিশৃঙ্খলা রক্ষার্থে দায়িত্ব পালন করবে।

(৪) বাংলাদেশ পুলিশ:

নির্বাচন উপলক্ষে বাংলাদেশ পুলিশ নিম্নরূপভাবে দায়িত্ব পালন করবে:

- (ক) বাংলাদেশ পুলিশ নির্বাচনি এলাকায় সামগ্রিক শান্তিশৃঙ্খলা বজায় রাখতে ও ভোটকেন্দ্রের অভ্যন্তরে শান্তিশৃঙ্খলা বিধান এবং ভোটারগণের জন্য আস্থার পরিবেশ সৃষ্টি করতে দায়িত্ব পালন করবে;
- (খ) নির্বাচন সংশ্লিষ্ট সকল সরঞ্জাম ও দলিল দস্তাবেজ বহন করার সময় নিরাপত্তা নিশ্চিত করবে;
- (গ) নির্বাচন কর্মকর্তা ও কর্মচারীগণের নিরাপত্তা নিশ্চিত করবে;
- (ঘ) নির্বাচন কার্যালয়সমূহ, রিটার্নিং অফিসারের কার্যালয় এবং সহকারী রিটার্নিং অফিসারের কার্যালয়ের নিরাপত্তা বিধান করবে; এবং
- (ঙ) স্থানীয় জননিরাপত্তা, ভোটকেন্দ্রে ভোটারগণের সুশৃঙ্খল লাইন করানোসহ স্থানীয় শৃঙ্খলা নিশ্চিত করবে।

(৫) আনসার ও ভিডিপি:

অস্বীকৃত আনসার/সাধারণ আনসার ও ভিডিপি মোতায়েনের পর নিম্নরূপভাবে দায়িত্ব পালন করবে:


- (ক) বাংলাদেশ পুলিশ কর্তৃক নির্ধারিত পরিকল্পনা অনুযায়ী দায়িত্ব পালন করবে;
- (খ) নির্বাচন সংশ্লিষ্ট সকল সরঞ্জাম ও দলিল দস্তাবেজ বহন করার সময় নিরাপত্তা সহায়তা প্রদান করবে; এবং
- (গ) ভোটকেন্দ্রে ভোটারগণের সুশৃঙ্খল লাইন করানোসহ শৃঙ্খলা নিশ্চিত করবে এবং সংশ্লিষ্ট ভোটকেন্দ্রের প্রিজাইডিং অফিসারের আইনানুগ যে কোন নির্দেশনা প্রতিপালন করবে।

(৬) প্রশাসন ও ব্যবস্থাপনা:

- (ক) অস্ত্র ও গোলাবারুদ স্ব স্ব বাহিনীর সদর দপ্তর নির্ধারণ করবে;
- (খ) স্থানীয় প্রশাসনের সাথে সমন্বয়পূর্বক আবাসন ব্যবস্থা নির্ধারণ করতে হবে;
- (গ) স্ব স্ব বাহিনীর সদর দপ্তর তাদের রেশন নির্ধারণ করবে;
- (ঘ) স্ব স্ব বাহিনীর সদর দপ্তরের নির্দেশিকা অনুযায়ী রোগী/হতাহতদেরকে জরুরিভাবে চিকিৎসা/স্থানান্তরের জন্য বিমান বাহিনী প্রয়োজনীয় সংখ্যক হেলিকপ্টার সুবিধাজনক স্থানে মোতায়েন করবে;
- (ঙ) স্ব স্ব বাহিনী তাদের যানবাহন ব্যবহার/নির্ধারণ করবে। নির্বাচন উপলক্ষে In Aid to the Civil Power এর আওতায় মোতায়েনকৃত সশস্ত্র বাহিনী রিটার্নিং অফিসার অথবা স্থানীয় প্রশাসনের মাধ্যমে বেসামরিক যানবাহন অধিযাচনপূর্বক ব্যবহার করতে পারবে;
- (চ) এ সংক্রান্ত যাবতীয় ব্যয়ভার সামরিক/বেসামরিক যানবাহন/নৌযান/বিমান/হেলিকপ্টারের জ্বালানি রক্ষণাবেক্ষণ ও ভাড়া, সশস্ত্র বাহিনীর সদস্যদের দৈনিক ভাতা, কনটিনজেন্সি, ক্যাম্প/বাসস্থান এবং টেলিফোন বিল নির্বাচন কমিশন সচিবালয় কর্তৃক বহন করা হবে।

১০। ভোটগ্রহণের দিন অন্যান্য ব্যবস্থা গ্রহণ:

- (ক) ভোটদানের জন্য ভোটারগণ যাতে নির্বিঘ্নে ও স্বচ্ছন্দে ভোটকেন্দ্রে আসতে পারেন, সে জন্য নিরাপদ পরিবেশ সৃষ্টির লক্ষ্যে আইনশৃঙ্খলা রক্ষাকারী ড্রাম্যাটাম ইউনিটসমূহ নিবিড় টহলের ব্যবস্থা করবে;
- (খ) গুরুত্বপূর্ণ এলাকা ও ভোটকেন্দ্রগুলোতে নিরাপত্তা ব্যবস্থা জোরদার করতে হবে এবং যে কোন প্রকার বেআইনী কার্যকলাপ প্রতিরোধের উদ্দেশ্যে সদা সজাগ থাকার জন্য সকল আইনশৃঙ্খলা বাহিনীর প্রধানগণ প্রয়োজনীয় নির্দেশনা প্রদান করবেন। উল্লিখিত ভোটকেন্দ্রে প্রয়োজনবোধে মেটাল ডিটেক্টরের মাধ্যমে চেকিং এর ব্যবস্থা গ্রহণ করতে হবে;



- (গ) নির্বাচনের দিন ভোটগণনা শেষ করে রিটার্নিং অফিসার/সহকারী রিটার্নিং অফিসারের কাছে ফলাফল না পৌঁছানো পর্যন্ত পর্যাপ্ত নিরাপত্তামূলক ব্যবস্থা গ্রহণ করতে হবে;
- (ঘ) ভোটগ্রহণের দিন দড়বিধির ১৭১ই ও ১৭১এফ ধারায় বর্ণিত অপরাধের তাৎক্ষণিক বিচার কার্য (Summary Trial) সম্পন্ন করার জন্য বিজ্ঞ জুডিসিয়াল ম্যাজিস্ট্রেটগণের সমন্বয়ে গঠিত ভ্রাম্যমাণ আদালত (মোবাইল কোর্ট) প্রয়োজনীয় ব্যবস্থা গ্রহণ করবে;
- (ঙ) ভোটগ্রহণের দিন এবং তার আগে ও পরে কতিপয় পার্বত্য ও দুর্গম অঞ্চলে গমনের জন্য হেলিকপ্টারের প্রয়োজন হবে। উক্ত এলাকার ভোটকেন্দ্রসমূহের নির্বাচনি কর্মকর্তাদের গমনের জন্য এবং নির্বাচনি দ্রব্যাদি প্রেরণের লক্ষ্যে নির্বাচনের কয়েকদিন পূর্ব হতে নির্বাচনের কয়েকদিন পর পর্যন্ত হেলিকপ্টার সার্ভিস প্রদানের জন্য সশস্ত্র বাহিনী বিভাগ প্রয়োজনীয় ব্যবস্থা গ্রহণ করবে;
- (চ) ভোটকেন্দ্রের চৌহদ্দির মধ্যে ধূমপান হতে বিরত রাখা এবং দিয়াশলাই, লাইটারসহ দাহ্য পদার্থ বহনে কড়াকড়ি আরোপ করতে হবে; এবং
- (ছ) ভোটকেন্দ্রের অভ্যন্তরে বৈদ্যুতিক হিটার বা যে কোন ধরনের চুলা ব্যবহার সম্পূর্ণ নিষিদ্ধ করতে হবে।

১১। নির্বাচনি দ্রব্যাদি পরিবহন ও বিতরণে নিরাপত্তা ব্যবস্থা গ্রহণ: নির্বাচন কমিশন সচিবালয় হতে উপজেলা/জেলা/অঞ্চল পর্যায়ে নির্বাচনি দ্রব্যাদি পৌঁছানো এবং জেলা/অঞ্চল পর্যায়ে হতে উপজেলায় ও উপজেলা হতে ভোটকেন্দ্রে নির্বাচনি দ্রব্যাদি সর্বোচ্চ নিরাপত্তার সাথে পৌঁছানোর জন্য প্রয়োজনীয় ব্যবস্থা গ্রহণ করতে হবে।

১২। ভোটকেন্দ্রে নিরাপত্তার সাথে নির্বাচনি দ্রব্যাদি ও ভোটগ্রহণ কর্মকর্তা প্রেরণ ও ভোটকেন্দ্র হতে ফলাফল নিরাপদে প্রাপ্তি নিশ্চিতকরণ: ভোটগ্রহণের দিন নির্বাচনি দ্রব্যাদিসহ ভোটগ্রহণ কর্মকর্তাগণকে ভোটকেন্দ্রে নিরাপদে পৌঁছানোর জন্য এবং ভোটগণনার ফলাফলসহ ভোটগ্রহণ কর্মকর্তাদের রিটার্নিং অফিসার/সহকারী রিটার্নিং অফিসারের অফিসে গমনের লক্ষ্যে পর্যাপ্ত নিরাপত্তা ব্যবস্থা গ্রহণ করতে হবে।

১৩। যন্ত্রচালিত যানবাহন/নৌ-যান চলাচলের উপর নিষেধাজ্ঞা আরোপ:

- (ক) জাতীয় সংসদ নির্বাচন উপলক্ষে আগামী ০৬ জানুয়ারি ২০২৪ তারিখ মধ্যরাত ১২.০০ টা হতে ০৭ জানুয়ারি ২০২৪ তারিখ মধ্যরাত ১২.০০ টা পর্যন্ত নির্বাচনি এলাকায় ট্যাক্সিক্যাব, মাইক্রোবাস, পিকআপ, ট্রাক, লঞ্চ, ইঞ্জিনচালিত বোট (নির্দিষ্ট রুটে চলাচলকারী ব্যতীত)সহ অন্যান্য যানবাহন চলাচলের উপর নিষেধাজ্ঞা আরোপ করা হবে;
- (খ) সারাদেশে ০৫ জানুয়ারি ২০২৪ তারিখ মধ্যরাত ১২.০০ টা হতে ০৮ জানুয়ারি ২০২৪ তারিখ মধ্যরাত ১২.০০ টা পর্যন্ত নির্বাচনি এলাকায় মোটর সাইকেল চলাচলের উপর নিষেধাজ্ঞা বলবৎ থাকবে;
- (গ) নির্বাচনে প্রার্থী, আইনশৃঙ্খলা রক্ষাকারী বাহিনী, সশস্ত্র বাহিনী, প্রশাসন ও অনুমতিপ্রাপ্ত পর্যবেক্ষক এবং নির্বাচনি এজেন্টদের জন্য (ক) ও (খ)-তে বর্ণিত নির্দেশ প্রযোজ্য হবে না। তবে পর্যবেক্ষক ও পোলিং এজেন্টদের যানবাহনে নির্বাচন কমিশন কর্তৃক প্রদত্ত স্টিকার ব্যবহার করতে হবে। জাতীয় হাইওয়েসমূহের ক্ষেত্রে এই নিষেধাজ্ঞা প্রযোজ্য হবে না; এবং
- (ঘ) তাছাড়াও জেলা ম্যাজিস্ট্রেট বা ক্ষেত্রমত মেট্রোপলিটন পুলিশ কমিশনারকে ক্ষমতা প্রদান করে স্থানীয় প্রয়োজনীয়তা ও বাস্তবতার নিরীখে আরও কতিপয় যানবাহনের উপর নিষেধাজ্ঞা আরোপ অথবা নিষেধাজ্ঞা শিথিল করার লক্ষ্যে নির্বাচন কমিশনের নির্দেশনা অনুসরণ করে সড়ক পরিবহন ও মহাসড়ক বিভাগ এবং নৌ-পরিবহন মন্ত্রণালয় হতে এতদসংক্রান্ত পৃথক পৃথক প্রজ্ঞাপন জারি করা যাবে।

১৪। বৈধ অস্ত্র প্রদর্শন নিষিদ্ধকরণ: ঘোষিত তফসিল অনুসরণে ০৯ জানুয়ারি ২০২৪ তারিখ পর্যন্ত অস্ত্রের লাইসেন্সধারীগণ যাতে অস্ত্র বহন ও প্রদর্শন না করেন সে বিষয়ে জননিরাপত্তা বিভাগ, স্বরাষ্ট্র মন্ত্রণালয় হতে প্রয়োজনীয় নির্দেশনা জারির ব্যবস্থা করা হয়েছে। এ নির্দেশনা যথাযথভাবে প্রতিপালনের জন্য প্রয়োজনীয় পদক্ষেপ নিতে হবে।

১৫। নির্বাচনি প্রচারণার নিবেদন আয়োজন: গণপ্রতিনিধিত্ব আদেশ, ১৯৭২ এর অনুচ্ছেদ ৭৮ অনুসারে কোন নির্বাচনি এলাকায় ভোটগ্রহণ শুরুর পূর্ববর্তী আটচল্লিশ ঘণ্টা এবং ভোটগ্রহণ সমাপ্তির পরবর্তী আটচল্লিশ ঘণ্টা সময়ের মধ্যে কোনো জনসভা আহ্বান, অনুষ্ঠান বা তাতে যোগদান এবং কোন মিছিল বা শোভাযাত্রা সংগঠন বা তাতে যোগদান না করার বিষয়ে কার্যকর ব্যবস্থা গ্রহণ করতে হবে।

১৬। মনিটরিং সেল: (ক) নির্বাচন কমিশন সচিবালয়ে ০৫ জানুয়ারি ২০২৪ তারিখ সকাল ৮.০০ টা হতে ০৯ জানুয়ারি ২০২৪ তারিখ সকাল ৮.০০টা পর্যন্ত আইনশৃঙ্খলা পরিস্থিতি মনিটরিং এর নিমিত্ত একটি সেল গঠন করা হবে।

(খ) রিটার্নিং অফিসার এর কার্যালয়ে আইনশৃঙ্খলা পরিস্থিতি অবলোকনের জন্য ১৮ ডিসেম্বর ২০২৩ তারিখ হতে একটি করে মনিটরিং সেল পরবর্তী নির্দেশ না দেয়া পর্যন্ত আইনশৃঙ্খলা পর্যবেক্ষণ করবে। প্রাপ্ত পরিস্থিতি সম্পর্কে নির্বাচন কমিশন এবং সংশ্লিষ্ট সকলকে অবহিত করতে হবে।

(গ) সহকারী রিটার্নিং অফিসারের কার্যালয়ে ভোটগ্রহণের ০৩ (তিন) দিন পূর্ব হতে ভোটগ্রহণের ০৩ (তিন) দিন পর পর্যন্ত মোট ০৭ (সাত) দিনের জন্য একটি করে মনিটরিং সেল খোলা হবে। সংশ্লিষ্ট উপজেলা/নির্বাচনি এলাকার সার্বিক তথ্যাদি উক্ত সেল নিয়মিত রিটার্নিং অফিসারকে অবহিত করবে।


১৭। ভোটকেন্দ্রে প্রবেশাধিকার সংরক্ষিত করা: গণপ্রতিনিধিত্ব আদেশ, ১৯৭২ এর ২৯ অনুচ্ছেদ বলে যে সকল ব্যক্তি ভোটকেন্দ্রে উপস্থিত থাকার যোগ্য তাদের একটি তালিকা ভোটকেন্দ্রের প্রকাশ্য স্থানে সকলের অবগতির জন্য টাঙিয়ে দেয়ার ব্যবস্থা করতে হবে। কোন অবস্থায় কোন অবস্থিত ব্যক্তিকে ভোটকেন্দ্রে প্রবেশ করতে না দেয়ার নির্দেশ জারি করতে হবে।

১৮। নির্বাচন পর্যবেক্ষকদের সহযোগিতা: নির্বাচন পর্যবেক্ষণে আগত দেশি-বিদেশি পর্যবেক্ষক দলকে নির্বাচন কমিশনের নীতিমালার আলোকে আইনানুগ সকল প্রকার সহায়তা প্রদান করতে হবে।

১৯। অন্যান্য গুরুত্বপূর্ণ বিষয়:

- (ক) ভোটগ্রহণ কর্মকর্তাদের নিয়োগের ক্ষেত্রে সাহসী ও নিরপেক্ষ ব্যক্তিকে নিয়োগের ব্যবস্থা গ্রহণ করতে হবে। প্রথম শ্রেণি/সমমর্যাদার কর্মকর্তাদের মধ্য হতে প্রিজাইডিং অফিসার নিয়োগে অগ্রাধিকার প্রদান এবং পক্ষপাতদুষ্ট ব্যক্তিদের ভোটগ্রহণ কর্মকর্তা হিসেবে নিয়োগ না দেয়ার ব্যবস্থা গ্রহণ করতে হবে;
- (খ) প্রিজাইডিং অফিসার, সহকারী প্রিজাইডিং অফিসার ও পোলিং অফিসারদের জন্য নির্ধারিত প্রশিক্ষণ গুরুত্ব সহকারে আয়োজন এবং প্রয়োজনীয় পুস্তিকা/প্রশিক্ষণ দ্রব্যাদির কোন ঘাটতি থাকলে তা নির্বাচন কমিশন থেকে আগেই সংগ্রহের ব্যবস্থা গ্রহণ করতে হবে;
- (গ) রিটার্নিং অফিসার কর্তৃক ইলেক্টোরাল ইনকোয়ারি কমিটির সদস্যদের জন্য যানবাহন ও নিরাপত্তা ব্যবস্থা নিশ্চিত করতে হবে;
- (ঘ) নির্বাচনি কাগজপত্র যেমন, ব্যালট পেপার ইত্যাদি স্থানীয় ট্রেজারিতে (ডাবল লকে) আইনানুগ সময়ের জন্য সংরক্ষণের প্রয়োজনীয় ব্যবস্থা গ্রহণ করতে হবে;
- (ঙ) সহকারী রিটার্নিং অফিসারের সাথে রিটার্নিং অফিসারের সার্বক্ষণিক যোগাযোগ রক্ষার জন্য উপজেলার সাথে জেলা পর্যায়ের এবং ঢাকার সাথে জেলা/উপজেলার টেলিযোগাযোগ ব্যবস্থা সচল রাখার জন্য প্রয়োজনীয় পদক্ষেপ গ্রহণ করতে হবে;
- (চ) ভোটগ্রহণ এবং ভোটগণনা শেষে প্রিজাইডিং অফিসারগণ আইনশৃঙ্খলা বাহিনীর সহায়তায় যথাসম্ভব স্বল্প সময়ে ভোটকেন্দ্র থেকে ভোটগণনা বিবরণী ও সংশ্লিষ্ট কাগজপত্রাদি সহকারী রিটার্নিং অফিসারের নিকট সরবরাহ করবে। প্রিজাইডিং অফিসারগণ ভোটগণনার বিবরণীসহ ব্যবহৃত অন্যান্য দ্রব্যাদি সহকারী রিটার্নিং অফিসারের নিকট পৌছানো এবং বেসরকারি ফলাফল ঘোষণার জন্য ফলাফল একত্রীকরণ (compilation) সহ সার্বিক বিষয়ে সুনির্দিষ্ট পরিকল্পনা গ্রহণ করবে। সেই সাথে নির্বাচন কমিশন যেন অনতিবিলম্বে সম্পূর্ণ বেসরকারি ফলাফল ঘোষণা

- করতে পারে সে লক্ষ্যে স্থানীয় প্রশাসন ও রিটার্নিং অফিসার কর্তৃক সংশ্লিষ্ট প্রিজাইডিং অফিসারকে প্রয়োজনীয় নির্দেশ দানের ব্যবস্থা গ্রহণ করতে হবে;
- (ছ) নির্বাচনি ফলাফল দ্রুততার সাথে প্রেরণের জন্য সংশ্লিষ্ট এলাকার টেলিফোন, ফ্যাক্স, ইন্টারনেট সংযোগ সচল রাখতে হবে। এ বিষয়ে দক্ষ কর্মকর্তাদের দ্বারা নির্বাচনি ফলাফল সমন্বয়, একত্রীকরণ ও প্রচারের ব্যবস্থা গ্রহণ করতে হবে;
- (জ) কোন অবস্থাতেই জেলা প্রশাসক অথবা ক্ষমতাপ্রাপ্ত কর্মকর্তার নির্দেশ ছাড়া বেসরকারি যানবাহন রিকুইজিশন করা যাবে না;
- (ঝ) কোন ভোটকেন্দ্রের ৪০০ গজ ব্যাসার্ধের মধ্যে কোন প্রতিদ্বন্দ্বী প্রার্থী অথবা তীর পক্ষে ক্যাম্প স্থাপন না করার ব্যবস্থা গ্রহণ করতে হবে। এ নিষেধাজ্ঞায় গণপ্রতিনিধিত্ব আদেশ, ১৯৭২ এর ৭৯(৪) অনুচ্ছেদে প্রদত্ত রিটার্নিং অফিসারের এখতিয়ার ক্ষুণ্ণ হবে না, ভোটকেন্দ্রে কোন প্রকারের দাঙ্গা, সম্ভ্রাস বা অনিয়ম সংঘটিত হলে কিংবা আইন ও বিধির কোন ব্যত্যয় ঘটলে আইনানুগভাবে ভোটগ্রহণ করতে হবে;
- (ঞ) আইনশৃঙ্খলা রক্ষায় নিয়োজিত বাহিনী নিজ নিজ সংস্থার যানবাহন ব্যবহারকে অগ্রাধিকার দিবে, প্রয়োজনীয় ক্ষেত্রে যথাযথ বিধি-বিধান অনুসরণ করে অধিযাচনকৃত ও ভাড়াকৃত যানবাহন ব্যবহার করবে; এবং
- (ট) আইনশৃঙ্খলা পরিস্থিতি নিয়ন্ত্রণের সুবিধার্থে জনগণকে উদ্বুদ্ধকরণসহ নিবন্ধিত স্থানীয় রাজনৈতিক নেতৃবৃন্দের সমন্বয়ে যৌথ সভা আয়োজন করতে হবে।
- ২০। উল্লৃত যে কোন পরিস্থিতি নিয়ন্ত্রণে এ পরিপত্রে উল্লেখ করা হয়নি এরূপ যে কোন বিষয়ে নির্বাচন কমিশন কর্তৃক ইতোমধ্যে জারীকৃত পরিপত্র, আইন ও সংশ্লিষ্ট বিধি-বিধানে বর্ণিত নির্দেশনা/পদ্ধতি অনুসরণ করতে হবে।
- ২১। নির্বাচন সংক্রান্ত কোন আইন, বিধি-বিধান বা নির্দেশনার বিষয়ে কোন সংশয় থাকলে তা স্পষ্টীকরণের জন্য সরাসরি নির্বাচন কমিশন সচিবালয়ের সাথে যোগাযোগ করতে হবে।
- ২২। সংশ্লিষ্ট সকলের আইনানুগ দায়িত্ব পালনের মাধ্যমেই কেবল সুষ্ঠু, অবাধ, নিরপেক্ষ ও শান্তিপূর্ণ নির্বাচন অনুষ্ঠান সম্ভব হবে বিধায় এ দায়িত্ব সংশ্লিষ্ট সকলকে যথাযথভাবে পালন করতে হবে (সংশ্লিষ্ট-গ ও ঘ)।



(মোঃ মোস্তাফিজুর রহমান, বিপিএএ)

সিনিয়র সচিব
জননিরাপত্তা বিভাগ
স্বরাষ্ট্র মন্ত্রণালয়

বিতরণ (কার্যার্থে) (জ্যেষ্ঠতার ক্রমানুসারে নয়):

- ১। সিনিয়র সচিব/সচিব, জনপ্রশাসন মন্ত্রণালয়/প্রতিরক্ষা মন্ত্রণালয়/বিদ্যুৎ বিভাগ/নৌ-পরিবহন/শিল্প মন্ত্রণালয়/তথ্য ও সম্প্রচার মন্ত্রণালয়/ডাক ও টেলিযোগাযোগ বিভাগ/লেজিসলেটিভ ও সংসদ বিষয়ক বিভাগ/মাধ্যমিক ও উচ্চ মাধ্যমিক বিভাগ/সড়ক পরিবহন ও মহাসড়ক বিভাগ/স্থানীয় সরকার বিভাগ/আইন ও বিচার বিভাগ/প্রাথমিক ও গণশিক্ষা বিভাগ/নির্বাচন কমিশন সচিবালয়/অর্থ বিভাগ, ঢাকা।
- ২। প্রিন্সিপাল স্টাফ অফিসার, সশস্ত্র বাহিনী বিভাগ, ঢাকা।
- ৩। পুলিশ মহাপরিদর্শক, পুলিশ অধিদপ্তর, ঢাকা।
- ৪। মহাপরিচালক, বাংলাদেশ কোস্টগার্ড/ এনএসআই/ বিজিবি/ডিজিএফআই/আনসার ও ভিডিপি/এনটিএমসি/র্যাব, ঢাকা।
- ৫। অতিরিক্ত পুলিশ মহাপরিদর্শক, এসবি, ঢাকা।
- ৬। বিভাগীয় কমিশনার, ঢাকা/ চট্টগ্রাম ও রিটার্নিং অফিসার
- ৬। বিভাগীয় কমিশনার, রংপুর/ খুলনা/রাজশাহী/বরিশাল/সিলেট/ময়মনসিংহ বিভাগ।
- ৭। মেট্রোপলিটন পুলিশ কমিশনার, ঢাকা/চট্টগ্রাম/খুলনা/রাজশাহী/বরিশাল/সিলেট/রংপুর/গাজীপুর।
- ৮। উপ-পুলিশ মহাপরিদর্শক, ঢাকা/চট্টগ্রাম/খুলনা/রাজশাহী/বরিশাল/সিলেট/রংপুর/ময়মনসিংহ রেঞ্জ।
- ৯। জেলা প্রশাসক, (সকল) ও রিটার্নিং অফিসার।
- ১০। পুলিশ সুপার, (সকল)।
- ১১। আঞ্চলিক নির্বাচন কর্মকর্তা..... (সকল)।
- ১২। পরিচালক.....(সকল রেঞ্জ), আনসার ও ভিডিপি।
- ১৩। উপজেলা নির্বাহী অফিসার, (সকল)।
- ১৪। জেলা কমান্ড্যান্ট, আনসার ও ভিডিপি, (সকল)।
- ১৫। উপজেলা/থানা নির্বাচন অফিসার, (সকল)।
- ১৬। ভারপ্রাপ্ত কর্মকর্তা, (সকল থানা)।

সদয় অবগতির জন্য অনুলিপি প্রেরণ করা হলোঃ

- ১। মন্ত্রিপরিষদ সচিব, মন্ত্রিপরিষদ বিভাগ, ঢাকা।
- ২। প্রধানমন্ত্রীর মুখ্য সচিব, প্রধানমন্ত্রীর কার্যালয়, তেজগাঁও, ঢাকা।
- ৩। সেনাবাহিনী প্রধান/নৌ-বাহিনী প্রধান/বিমান বাহিনী প্রধান, ঢাকা।
- ৪। সিনিয়র সচিব/সচিব, পররাষ্ট্র মন্ত্রণালয়/রাষ্ট্রপতির কার্যালয়, ঢাকা।

AA ২০/১২/২০২৩
(হাবিবুল হাসান)
সিনিয়র সহকারী সচিব
ফোন: ০২-২২৩৩৫৬৩৩৮
Email: pol6@mhapd.gov.bd

(পরিপত্রের অনুচ্ছেদ-২ এর (গ) এ উল্লিখিত)

দুর্গম এলাকা হিসেবে ঘোষিত উপজেলা

ক্রমিক	জেলা নাম	উপজেলার নাম	মোট
১	কুড়িগ্রাম	রৌমারী ও রাজিবপুর	০২
২	গাইবান্ধা	ফুলছড়ি	০১
৩	বগুড়া	সারিয়াকান্দি	০১
৪	সিরাজগঞ্জ	চৌহলী, সদর (আংশিক) ও কাজীপুর	০৩
৫	বাগেরহাট	সরণখোলা	০১
৬	খুলনা	দাকোপ ও কয়রা	০২
৭	বরগুনা	পাথরঘাটা ও তালতলী	০২
৮	পটুয়াখালী	রাঙ্গাবালী	০১
৯	ভোলা	মনপুরা	০১
১০	বরিশাল	হিজলা, মুলাদী ও মেহেন্দিগঞ্জ	০৩
১১	নেত্রকোনা	কলমাকান্দা, দুর্গাপুর, খালিয়াজুরী, মদন ও মোহনগঞ্জ	০৫
১২	কিশোরগঞ্জ	ইটনা, মিঠামইন, অষ্টগ্রাম ও নিকলী	০৪
১৩	জামালপুর	ইসলামপুর	০১
১৪	মানিকগঞ্জ	হরিরামপুর	০১
১৫	ফরিদপুর	চরভদ্রাশন	০১
১৬	সুনামগঞ্জ	দোয়ারা বাজার, ধর্মপাশা, শাল্লা, জামালগঞ্জ, দিরাই, বিশ্বম্ভরপুর ও তাহেরপুর	০৭
১৭	হবিগঞ্জ	বানিয়াচং, আজমেরীগঞ্জ ও লাখাই (হাওড় বেষ্টিত)	০৩
১৮	চাঁদপুর	হাইমচর	০১
১৯	লক্ষ্মীপুর	রামগতি	০১
২০	নোয়াখালী	হাতিয়া	০১
২১	চট্টগ্রাম	সন্দ্বীপ	০১
২২	কক্সবাজার	মহেশখালী, কুতুবদিয়া ও টেকনাফ	০৩
২৩	খাগড়াছড়ি	পানছড়ি, মহালছড়ি, মানিকছড়ি, মাটিরাঙ্গা, রামগড়, গুইমারা, লক্ষীছড়ি, খাগড়াছড়ি সদর ও দিঘীনালা	০৯
২৪	রাঙ্গামাটি	নানিয়ারচর, বরকল, বাঘাইছড়ি, রাঙ্গামাটি সদর, রাজস্থলী, লংগদু, কাউখালী, কাপ্তাই, জুরাছড়ি ও বিলাইছড়ি	১০
২৫	বান্দরবান	থানছি, রোয়াংছড়ি, আলীকদম, নাইক্ষ্যংছড়ি, বান্দরবান সদর, নুমা ও লামা	০৭
সর্বমোট			৭২

(পরিগণত্রের অনুচ্ছেদ-৩ এর (গ) এ উল্লিখিত)
বাংলাদেশ কোর্ট গার্ড মোতায়েন পরিকল্পনা

ক্রমিক	জোন	জেলা	আসন	উপজেলা	ইউনিয়ন		
১।	দক্ষিণ জোন	ভোলা	ভোলা-০১	ভোলা সদর	রাজাপুর		
					কাচিয়া		
			ভোলা-০২	দৌলতখান	মদনপুর		
					হাজীপুর		
			ভোলা-০৩	তজুমুদ্দিন	সোনাপুর		
					বড় মলংচড়া		
			ভোলা-০৪	চরফ্যাশন	চরকুকরীমুকরী		
					মুজিবনগর		
		ঢালচর					
		বরিশাল	বরিশাল-৪	মেহেন্দীগঞ্জ	মনপুরা		
					জাশালিয়া		
					মেহেন্দীগঞ্জ		
					গোবিন্দপুর		
					শ্রীপুর		
					দড়িরচর খাজুরিয়া		
					হরনি		
					চানুন্দি		
চর বাইশদিয়া							
নোয়াখালী	নোয়াখালী-৬	হাতিয়া	চরমোস্তাজ				
			চালিতাবুনিয়া				
			বড়ঘোপ				
পটুয়াখালী	পটুয়াখালী-৪	রাজাবালী	উত্তর ধুরুং				
			দক্ষিণ ধুরুং				
			কৈয়ারবিল				
২।	পূর্ব জোন	কক্সবাজার	কক্সবাজার-২	কুতুবদিয়া	আলি আকবর ডেইল		
					লেমসিখালী		
					সারিকাইত		
					আজিমপুর		
					রহমতপুর		
					মাইটভাঙ্গা		
		চট্টগ্রাম	চট্টগ্রাম -৩	সন্দ্বীপ	কালাপানিয়া		
					সেন্টমার্টিন		
					বাজুয়া		
		কক্সবাজার	কক্সবাজার-৪	টেকনাফ	পানখালী		
					দাকোপ		
					কৈলাসগঞ্জ		
		৩।	পশ্চিম জোন	খুলনা	খুলনা-০১	দাকোপ	সুতারখালী
							কামারখোলা
							তীলভাঙ্গা
							চালনা পৌরসভা
							বানীয়াসাত্তা
লাউডোব							
দক্ষিণ বেদকাশি							
খুলনা-০৬	কয়রা						
সর্বমোট	০৩টি			০৭টি	১২টি	১৩টি	৪৩টি

গণপ্রজাতন্ত্রী বাংলাদেশ সরকার
মন্ত্রিপরিষদ বিভাগ
মাঠ প্রশাসন সংস্থাপন অধিশাখা
www.cabinet.gov.bd

স্মারক নম্বর: ০৪.০০.০০০০.৫১৩.৫৩.১১০.২৩.৩৬৩

তারিখ: ০৭ অগ্রহায়ণ ১৪৩০
২২ নভেম্বর ২০২৩

বিষয়: দ্বাদশ জাতীয় সংসদ নির্বাচন সুষ্ঠুভাবে অনুষ্ঠানের লক্ষ্যে নির্বাচন কমিশনকে সহযোগিতা প্রদান।

সূত্র: বাংলাদেশ নির্বাচন কমিশন সচিবালয়ের আধাসরকারি পত্র নম্বর: ১৭.০০.০০০০.০৩৪.৩৬.০১৯.২৩-৭৩৩ তারিখ: ১৯.১১.২০২৩

উপর্যুক্ত বিষয় ও সূত্রের পরিশ্রেফিতে জানানো যাচ্ছে যে, আগামী ০৭ জানুয়ারি ২০২৪ তারিখ রবিবার দ্বাদশ জাতীয় সংসদ নির্বাচন অনুষ্ঠিত হবে। এই নির্বাচন অবাধ, সুষ্ঠু ও নিরপেক্ষভাবে সম্পাদন করা সকলের জাতীয় দায়িত্ব। নির্বাচন কমিশন সচিবালয় অবাধ, সুষ্ঠু ও নিরপেক্ষভাবে নির্বাচন অনুষ্ঠানে সকলের সহযোগিতা কামনা করেছে।

২। নির্বাচন সংক্রান্ত কার্যাদি সুষ্ঠুভাবে পরিচালনা ও সম্পাদনের জন্য সকল মন্ত্রণালয়/বিভাগ তথা সরকারি, আধা-সরকারি, স্বায়ত্বশাসিত, আধা-স্বায়ত্বশাসিত অফিস/প্রতিষ্ঠানের কর্মকর্তা ও কর্মচারীদের মধ্য হতে এবং কোন কোন ক্ষেত্রে বেসরকারি অফিস/প্রতিষ্ঠান থেকেও প্রিজাইডিং অফিসার/সহকারী প্রিজাইডিং অফিসার/পোলিং অফিসার নিয়োগ করার প্রয়োজন হবে। সরকারি, সরকারি অনুদানপ্রাপ্ত ও বেসরকারি শিক্ষা প্রতিষ্ঠানের শিক্ষকগণের মধ্য হতে উল্লেখযোগ্য সংখ্যক শিক্ষককে ভোটগ্রহণ কর্মকর্তা নিয়োগ ছাড়াও নির্বাচনে বিভিন্ন দায়িত্ব প্রদান করা হতে পারে। ইহা ছাড়া বিভিন্ন শিক্ষা প্রতিষ্ঠানের ভবনসমূহ ভোটকেন্দ্র হিসেবে এবং প্রতিষ্ঠানের আসবাবপত্র নির্বাচনের কাজে ব্যবহার করা প্রয়োজন হবে।

৩। নির্বাচন কার্য সুষ্ঠুভাবে সম্পাদনের জন্য সংশ্লিষ্ট সকল সরকারি ও বেসরকারি কর্মকর্তা ও কর্মচারীগণের সহযোগিতা একান্ত প্রয়োজন। অতীতেও তারা নির্বাচনের কাজে তাদের উপর অর্পিত দায়িত্ব পালন করে নির্বাচন কমিশনকে প্রয়োজনীয় সহায়তা ও সহযোগিতা প্রদান করেছেন। অবাধ, সুষ্ঠু ও নিরপেক্ষ নির্বাচন নিশ্চিত করার লক্ষ্যে নির্বাচন কর্মকর্তাগণের শৃঙ্খলা ও নিয়ন্ত্রণের জন্য নির্বাচনী কর্মকর্তা (বিশেষ বিধান) আইন, ১৯৯১ (১৯৯১ সনের ১৩ নং আইন) রয়েছে। এতে কোন কর্মকর্তা/কর্মচারী নির্বাচন সংক্রান্ত কাজে দায়িত্ব প্রাপ্ত হলে তিনি তার উক্তরূপ নিয়োগের তারিখ হতে নির্বাচন দায়িত্ব অব্যাহতি না পাওয়া পর্যন্ত তার চাকুরীর অতিরিক্ত দায়িত্ব হিসেবে নির্বাচন কমিশনের অধীনে শ্রেষণে চাকুরীরত আছেন বলে গণ্য হবেন। শ্রেষণে চাকুরীরত থাকাকালে নির্বাচন সংক্রান্ত দায়িত্ব পালনের ব্যাপারে নির্বাচন কমিশন এবং ক্ষেত্রমতে রিটার্নিং অফিসারের নিয়ন্ত্রণে থাকবেন এবং তিনি তার যাবতীয় আইনানুগ আদেশ বা নির্দেশ পালনে বাধ্য থাকবেন। শ্রেষণে চাকুরীরত থাকাকালে নির্বাচন সংক্রান্ত দায়িত্ব প্রাধান্য পাবে। এমতাবস্থায় সকল কর্মকর্তা ও কর্মচারীগণকে রিটার্নিং অফিসারের যে কোন নির্দেশ জরুরি ভিত্তিতে পালন করার নিশ্চয়তা বিধান করা প্রয়োজন।

৪। গণপ্রজাতন্ত্রী বাংলাদেশ সংবিধানের অনুচ্ছেদ ১২৬ এবং গণপ্রতিনিধিত্ব আদেশ, ১৯৭২ এর অনুচ্ছেদ ৫ অনুসারে নির্বাচন অনুষ্ঠানে নির্বাচন কমিশনকে সহযোগিতা প্রদান সরকারের নির্বাহী কর্তৃপক্ষ এবং সংশ্লিষ্ট সকলের একটি আবশ্যিক পালনীয় দায়িত্ব। এ ছাড়া গণপ্রতিনিধিত্ব আদেশ, ১৯৭২ এর ৪৪৬ অনুচ্ছেদের বিধান অনুযায়ী নির্বাচনী সময়সূচি জারি হওয়ার পর হতে ফলাফল ঘোষণার ১৫ দিন পর্যন্ত নির্বাচন কমিশনের অনুমতি ব্যতীত উক্ত অনুচ্ছেদে বর্ণিত কোন কর্মকর্তা/কর্মচারীকে অন্যত্র বদলী করা যাবে না।

৫। এমতাবস্থায়, দ্বাদশ জাতীয় সংসদ নির্বাচন সুষ্ঠুভাবে সম্পাদনের লক্ষ্যে নিম্নবর্ণিত ব্যবস্থা গ্রহণ করতে হবে:

(১) আসন্ন নির্বাচন অনুষ্ঠানের কাজে অর্পিত দায়িত্ব আইন ও বিধি অনুযায়ী নিরপেক্ষভাবে পালন করে নির্বাচন কমিশনকে সহায়তা ও সহযোগিতা প্রদান করার লক্ষ্যে বিভিন্ন মন্ত্রণালয়/বিভাগ এবং অধিদপ্তর/দপ্তর/সংস্থা হতে তাদের অধীনস্থ কর্মকর্তা/কর্মচারীদের অবিলম্বে নির্দেশ প্রদান;

(২) শিক্ষা মন্ত্রণালয়/প্রাথমিক ও গণশিক্ষা মন্ত্রণালয় হতে সরকারি, সরকারি অনুদান প্রাপ্ত ও বেসরকারি শিক্ষা প্রতিষ্ঠানে কর্মরত শিক্ষক/শিক্ষিকাদের প্রতিও অনুরূপ নির্দেশ জারি করা;

(৩) নির্বাচন পরিচালনার কাজ অব্যাহত রাখার নিশ্চয়তা বিধানের জন্য সকল মন্ত্রণালয়/বিভাগ তথা সরকারি, আধাসরকারি, স্বায়ত্বশাসিত অফিস/প্রতিষ্ঠান/সংস্থাসমূহকে তাদের যে সমস্ত কর্মকর্তা ও কর্মচারী নির্বাচনের কাজে জড়িত আছেন, নির্বাচনের কাজ শেষ না হওয়া পর্যন্ত তাদেরকে ছুটি প্রদান বা অন্যত্র বদলী করা অথবা নির্বাচনি দায়িত্ব ব্যাহত হতে পারে এমন কোন দায়িত্ব প্রদান হতে বিরত থাকা।

৬। বর্ণিত অবস্থায়, উল্লিখিত নির্দেশনা জারিসহ আনুষঙ্গিক কার্যাদি সম্পন্ন করিয়া অবাধ, সুষ্ঠু ও নিরপেক্ষ নির্বাচন অনুষ্ঠানে সর্বাঙ্গিক সহায়তা প্রদান করার জন্য অনুরোধ করা হল।

স্বাক্ষরিত
২২.১১.২০২৩

(মোঃ মাহবুব হোসেন)
মন্ত্রিপরিষদ সচিব

বিতরণ (জ্যেষ্ঠতার ভিত্তিতে নয়):


- ০১। সিনিয়র সচিব/সচিব..... মন্ত্রণালয়/ বিভাগ
- ০২। মহাপুলিশ পরিদর্শক, বাংলাদেশ পুলিশ, ঢাকা
- ০৩। মহাপরিচালক, বিজিবি/কোস্ট গার্ড/আনসার ও ডিডিপি/র‍্যাপিড এ্যাকশন ব্যাটালিয়ন (র‍্যাব), ঢাকা
- ০৪। বিভাগীয় কমিশনার, ঢাকা/চট্টগ্রাম ও রিটার্নিং অফিসার
- ০৫। বিভাগীয় কমিশনার, খুলনা/বরিশাল/ময়মনসিংহ/রাজশাহী/রংপুর/সিলেট
- ০৬। মহাপরিচালক, মাধ্যমিক ও উচ্চ শিক্ষা অধিদপ্তর, ঢাকা
- ০৭। মহাপরিচালক, প্রাথমিক শিক্ষা অধিদপ্তর, ঢাকা
- ০৮। মহাপরিচালক, মাদ্রাসা শিক্ষা অধিদপ্তর/ কারিগরি শিক্ষা অধিদপ্তর, ঢাকা
- ০৯। পুলিশ কমিশনার, মেট্রোপলিটন পুলিশ..... (সকল)
- ১০। উপমহাপুলিশ পরিদর্শক.....(সকল)
- ১১। জেলা প্রশাসক..... (সকল) ও রিটার্নিং অফিসার
- ১২। পুলিশ সুপার,(সকল)
- ১৩। আঞ্চলিক নির্বাচন কর্মকর্তা,(সকল)
- ১৪। সিনিয়র জেলা নির্বাচন অফিসার/জেলা নির্বাচন অফিসার..... (সকল)
- ১৫। জেলা কমন্ডেন্ট, আনসার ও ডিডিপি,(সকল)
- ১৬। উপজেলা নির্বাহী অফিসার,..... (সকল) ও সহকারী রিটার্নিং অফিসার
- ১৭। উপজেলা/থানা নির্বাচন অফিসার(সকল)
- ১৮। সিস্টেম এ্যানালিস্ট, আইসিটি সেল, মন্ত্রিপরিষদ বিভাগ (মন্ত্রিপরিষদ বিভাগের ওয়েবসাইটে প্রকাশের অনুরোধসহ)

স্মারক নম্বর: ০৪.০০.০০০০.৫১৩.৫৩.১১০.২৩.৩৬৩

তারিখ: ০৭ অগ্রহায়ণ ১৪৩০
২২ নভেম্বর ২০২৩

অনুলিপি (সদয় অবগতির জন্য):

- ০১। প্রধানমন্ত্রীর মুখ্য সচিব, প্রধানমন্ত্রীর কার্যালয়, তেজগাঁও, ঢাকা।
- ০২। সচিব, জন বিভাগ, রাষ্ট্রপতির কার্যালয়, বঙ্গভবন, ঢাকা।
- ০৩। সচিব, নির্বাচন কমিশন সচিবালয়, শেরে বাংলা নগর, ঢাকা।
- ০৪। মন্ত্রিপরিষদ সচিবের একান্ত সচিব, মন্ত্রিপরিষদ বিভাগ।


(মোঃ জিয়াউল হক)
যুগ্মসচিব

ফোন: ০২৫৫১০০৮৯৬

email: gfa_branch@cabinet.gov.bd

পপপ্রজাতন্ত্রী বাংলাদেশ সরকার
মন্ত্রিপরিষদ বিভাগ
মাঠ প্রশাসন সংস্থাপন অধিশাখা
www.cabinet.gov.bd

স্মারক নম্বর: ০৪.০০.০০০০.৫১৩.৫৩.১১০.২৩.৩৬৪

তারিখ: ০৭ অগ্রহায়ণ ১৪৩০
২২ নভেম্বর ২০২৩

বিষয়: জাতীয় সংসদ নির্বাচন অর্থাৎ, সুষ্ঠু ও নিরপেক্ষভাবে সম্পন্ন করার লক্ষ্যে নির্বাচন কর্মকর্তা (বিশেষ বিধান) আইন, ১৯৯১ এর বিধান অনুসরণ।

সূত্র: বাংলাদেশ নির্বাচন কমিশন সচিবালয়ের আধাসরকারি পত্র নম্বর: ১৭.০০.০০০০.০৩৪.৩৬.০১২.২৩-৭৩৪ তারিখ: ১৯.১১.২০২৩

উপর্যুক্ত বিষয় ও সূত্রের পরিশ্রেক্ষিতে জানানো যাচ্ছে যে, বাংলাদেশ নির্বাচন কমিশন আগামী ০৭ জানুয়ারি ২০২৪ তারিখে অনুষ্ঠিতব্য দ্বাদশ জাতীয় সংসদ নির্বাচন পরিচালনা ও সম্পাদনের দায়িত্বে নিয়োজিত সকল কর্মকর্তা, কর্মচারীকে সততা, নিষ্ঠা ও নিরপেক্ষতার সাথে নির্বাচনি দায়িত্ব পালন করতে এবং উক্ত দায়িত্ব পালনে কোনরূপ শৈথিল্য প্রদর্শন না করার বিষয়ে সংশ্লিষ্ট সকলের সহযোগিতা কামনা করেছেন।

২। উক্ত নির্বাচন পরিচালনার জন্য ইতোমধ্যে ৬৬ জন রিটার্নিং অফিসার এবং ৫৯২ জন সহকারী রিটার্নিং অফিসার নিয়োগ করা হয়েছে। নির্বাচন সংক্রান্ত কার্যাদি সুষ্ঠুভাবে সম্পাদনের জন্য সকল মন্ত্রণালয়/বিভাগ তথা সরকারি, আধা-সরকারি, স্বায়ত্তশাসিত, অর্থাৎ স্বায়ত্তশাসিত অফিস/প্রতিষ্ঠানের কর্মকর্তা ও কর্মচারীদের মধ্য হতে এবং কোন কোন ক্ষেত্রে বেসরকারি অফিস/প্রতিষ্ঠানের শিক্ষকগণের মধ্য হতে উল্লেখযোগ্য সংখ্যক শিক্ষককে ভোটগ্রহণ কর্মকর্তা নিয়োগ ছাড়াও নির্বাচনে বিভিন্ন দায়িত্ব প্রদান করা হবে। নির্বাচনে আইনশৃঙ্খলা রক্ষার জন্য প্রয়োজনীয় সংখ্যক ম্যাজিস্ট্রেট ও আইন-শৃঙ্খলা রক্ষাকারী বাহিনীর সদস্য মোতায়েন করা হবে। এ প্রসঙ্গে নির্বাচন কর্মকর্তাদের শৃঙ্খলা ও নিয়ন্ত্রণের জন্য নির্বাচন কর্মকর্তা (বিশেষ বিধান) আইন, ১৯৯১ এর বিধানাবলির প্রতি সংশ্লিষ্ট সকলের দৃষ্টি আকর্ষণ করা যাচ্ছে। উক্ত আইনের ৪ ধারায় নির্বাচন কর্মকর্তার চাকুরী এবং ৫ ধারায় শৃঙ্খলামূলক বিধানাবলি বিধৃত রয়েছে।

৩। নির্বাচন সংক্রান্ত কোন দায়িত্ব সংশ্লিষ্ট কর্মকর্তা/কর্মচারী ও শিক্ষক বা যে কোন ব্যক্তি নির্বাচন কর্মকর্তা (বিশেষ বিধান) আইন, ১৯৯১ এর ২(ঘ) ধারায় বর্ণিত সংজ্ঞা অনুযায়ী নির্বাচন কর্মকর্তা হিসেবে গণ্য হবেন এবং তিনি উক্ত দায়িত্ব পালনের জন্য নির্বাচন কমিশনের নিকট দায়ী থাকবেন। এরূপ দায়িত্ব ও কর্তব্যে নিযুক্তির জন্য নির্বাচন কর্মকর্তা হিসেবে কোন আনুষ্ঠানিক নিয়োগপত্র নাও থাকতে পারে। নির্বাচন সংক্রান্ত কোন দায়িত্ব পালনে অনীহা, অসহযোগিতা, শৈথিল্য, ভুল তথ্য প্রদান ইত্যাদির জন্য অসদাচরণের অভিযোগে সংশ্লিষ্ট নির্বাচন কর্মকর্তাকে অভিযুক্ত করা যাবে এবং শৃঙ্খলামূলক ব্যবস্থা গ্রহণ করা হবে।

বর্ণিত অবস্থার আলোকে সকল মন্ত্রণালয়/বিভাগ তথা সরকারি, আধাসরকারি, স্বায়ত্তশাসিত, অর্থাৎ স্বায়ত্তশাসিত ও বেসরকারি অফিস/প্রতিষ্ঠান/সংস্থার কর্মকর্তা/কর্মচারী/শিক্ষকগণকে সংশ্লিষ্ট আইনের বিধান সম্পর্কে সজাগ থেকে অর্পিত নির্বাচনি দায়িত্ব সততা, নিষ্ঠা ও নিরপেক্ষতার সাথে যথাযথভাবে পালনের জন্য অনুরোধ করা হল।

স্বাক্ষরিত

২২.১১.২০২৩

(মোঃ মাহবুব হোসেন)

মন্ত্রিপরিষদ সচিব

স্মারক নম্বর: ০৪.০০.০০০০.৫১৩.৫৩.১১০.২৩.৩৬৪

তারিখ: ০৭ অগ্রহায়ণ ১৪৩০
২২ নভেম্বর ২০২৩

বিতরণ (জ্যেষ্ঠতার ভিত্তিতে নয়):

- ০১। সিনিয়র সচিব/সচিব..... মন্ত্রণালয়/ বিভাগ
- ০২। মহাপুলিশ পরিদর্শক, বাংলাদেশ পুলিশ, ঢাকা
- ০৩। মহাপরিচালক, বিজিবি/কোষ্ট গার্ড/আনসার ও ডিডিপি/র্যাপিড এ্যাকশন ব্যাটালিয়ন (র্যাব), ঢাকা


- ০৪। বিভাগীয় কমিশনার, ঢাকা/চট্টগ্রাম ও রিটার্নিং অফিসার
 ০৫। বিভাগীয় কমিশনার, খুলনা/বরিশাল/ময়মনসিংহ/রাাজশাহী/রংপুর/সিলেট
 ০৬। মহাপরিচালক, মাধ্যমিক ও উচ্চ শিক্ষা অধিদপ্তর, ঢাকা
 ০৭। মহাপরিচালক, প্রাথমিক শিক্ষা অধিদপ্তর, ঢাকা
 ০৮। মহাপরিচালক, মাদ্রাসা শিক্ষা অধিদপ্তর/ কারিগরি শিক্ষা অধিদপ্তর, ঢাকা
 ০৯। পুলিশ কমিশনার, মেট্রোপলিটন পুলিশ..... (সকল)
 ১০। উপমহাপুলিশ পরিদর্শক..... (সকল)
 ১১। জেলা প্রশাসক..... (সকল) ও রিটার্নিং অফিসার
 ১২। পুলিশ সুপার,(সকল)
 ১৩। আঞ্চলিক নির্বাচন কর্মকর্তা,(সকল)
 ১৪। সিনিয়র জেলা নির্বাচন অফিসার/জেলা নির্বাচন অফিসার..... (সকল)
 ১৫। জেলা কমান্ডেন্ট, আনসার ও ডিডিপি,(সকল)
 ১৬। উপজেলা নির্বাহী অফিসার,..... (সকল) ও সহকারী রিটার্নিং অফিসার
 ১৭। উপজেলা/থানা নির্বাচন অফিসার(সকল)
 ১৮। সিস্টেম এ্যানালিস্ট, আইসিটি সেল, মন্ত্রিপরিষদ বিভাগ (মন্ত্রিপরিষদ বিভাগের ওয়েবসাইটে প্রকাশের অনুরোধসহ)

স্মারক নম্বর: ০৪.০০.০০০০.৫১৩.৫৩.১১০.২৩.৩৬৪

তারিখ: ০৭ অগ্রহায়ণ ১৪৩০
 ২২ নভেম্বর ২০২৩

অনুলিপি (সদয় অবগতির জ্ঞান্য):

- ০১। প্রধানমন্ত্রীর মুখ্য সচিব, প্রধানমন্ত্রীর কার্যালয়, তেজগাঁও, ঢাকা।
 ০৩। সচিব, নির্বাচন কমিশন সচিবালয়, শেরে বাংলা নগর, ঢাকা।
 ০৪। মন্ত্রিপরিষদ সচিবের একান্ত সচিব, মন্ত্রিপরিষদ বিভাগ।


 (মোঃ জিয়াউল হক)
 যুগ্মসচিব

ফোন: ০২৫৫১০০৮৯৬

email: gfa_branch@cabinet.gov.bd